

CORRECCIÓN DE ERROS

No tramite de consulta pública da ordenanza fiscal reguladora da taxa por ocupación de terreos de uso público con mesas e cadeiras, tribunas, taboados e outros elementos análogos con finalidade lucrativa vinculados á actividade comercial do Concello de Ames, acordado mediante decreto da alcaldía 2743/2020, e publicado no portal de transparencia municipal detéctase un erro na identificación da dirección de correo electrónico á que dirixir as suxestións cidadás.

Por iso, ábrese novamente o prazo de consulta pública do artigo 133 da LPAC (Lei 39/2015, do 1 de outubro, do procedemento administrativo común das administracións públicas), ca indicación correcta da dirección electrónica á que dirixir as suxestións.

Consulta pública

Proxecto: Ordenanza fiscal reguladora da taxa por ocupación de terreos de uso público con mesas e cadeiras, tribunas, taboados e outros elementos análogos con finalidade lucrativa vinculados á actividade comercial do Concello de Ames.

Expediente 4719/2020

De conformidade co previsto no artigo 133 da Lei 39/2015 de 1 de outubro, do procedemento administrativo común das Administracións Públicas (LPAC), e co obxectivo de contar coa participación da cidadanía no procedemento de elaboración da Ordenanza fiscal reguladora da taxa por ocupación de terreos de uso público con mesas e cadeiras, tribunas, taboados e outros elementos análogos con finalidade lucrativa vinculados á actividade comercial do Concello de Ames, se procede a efectuar, en cumprimento de decreto da Alcaldía 2743/2020, unha consulta pública a través da web municipal, co fin de recabar a opinión das persoas e das organizacións mais representativas, pontencialmente afectados pola ordenanza fiscal que se pretende aprobar.

Prazo: 20 días hábiles a contar dende o 04.12.2020 e ata o día 05.01.2021, ambos inclusive.

Forma de participación: a través da dirección electrónica: atencionciudad@concellodeames.gal.

Se poderán presentar opinións e suxestións en relación ós puntos relacionados no artigo 133 LPAC. O obxecto de facilitar a participación na consulta pública se facilita a seguinte información sobre o proxecto normativo:

a) Problemas que se pretenden solucionar coa nova normativa: unha regulación mais sinxela da materia que a contida na normativa anterior.

b) necesidade e oportunidade da súa aprobación: A anterior ordenanza foi derogada (BOP 17.07.2020) e o concello precisa ter unha nova ordenanza fiscal.

c) obxectivos da norma: Recoller no texto da ordenanza fiscal unicamente cuestións tributarias.

d) posibles solucións e alternativas regulatorias e non regulatorias: As ordenanzas e regulamentos son a manifestación da potestade normativa ou regulamentaria das Entidades Locais. Se trata pois, da única opción regulatoria da que dispón o concello para o desenvolvemento da normativa de referencia.

O texto elaborado de borrador de ordenanza fiscal figura como anexo.

Este proceso de información previa non exclúe o determinado pola Lei 7/1985 de 2 de abril, reguladora das bases do réxime local (artigo 49), para a presentación de alegacións e suxestións no trámite de información pública, tras a aprobación inicial polo pleno do concello.

Anexo.

ORDENANZA FISCAL REGULADORA DA TAXA POR OCUPACIÓN DE TERREOS DE USO PÚBLICO CON MESAS E CADEIRAS, TRIBUNAS, TABOADOS E OUTROS ELEMENTOS ANÁLOGOS, CON FINALIDADE LUCRATIVA VINCULADOS A ACTIVIDADE COMERCIAL

Artigo 1.º.-Natureza e fundamento.

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases de réxime local, e de conformidade co disposto nos artigos 15 a 19 do texto refundido da Lei reguladora das facendas locais, aprobado por Real decreto legislativo 2/2004, do 5 de marzo, este Concello establece a taxa por ocupación de terreos de uso público con mesas, cadeiras, taboados e outros elementos análogos con finalidade lucrativa, que se rexerá pola presente ordenanza fiscal, que atende ao previsto no artigo 57 do citado R.D. Lex. 2/2004.

Artigo 2.º.-Feito imponible.

Constitúe o feito imponible da taxa a utilización privativa ou aproveitamento especial do dominio público municipal polos conceptos que se sinalan no título da taxa.

Artigo 3.º.-Suxeito pasivo.

Serán suxeitos pasivos desta taxa as persoas físicas ou xurídicas e as entidades ás que se refire o artigo 35 da Lei xeral tributaria que utilicen ou aproveiten especialmente o dominio público local en beneficio particular, conforme a algún dos supostos citados no feito imponible.

Artigo 4.º.-Responsables.

Responderán solidaria e subsidiariamente da débeda tributaria deste tributo as persoas ou entidades ás que se refiren os artigos 42 e 43 da Lei Xeral Tributaria , de acordo có previsto neles.

Artigo 5.º.-Beneficios fiscais.

Non se aplicarán outros beneficios fiscais que os expresamente previstos en normas con rango de lei e nos tratados internacionais.

Artigo 6.º.-Cota tributaria.

1. A cota tributaria será o resultado da aplicación da seguinte tarifa en función da superficie ocupada: 26,97 €/ano/m² (2,25 €/mes/m²).

Na determinación da cota tributaria teranse en conta as superficies mínimas obxecto de autorización de conformidade cos distintos usos recollidos na reguladora da ocupación de dominio público e espazos privados de uso público por terrazas e elementos vinculados a actividade comercial e hostaleira con fins non festivos

2. Para a aplicación do apartado 1 deste artigo terase en conta o seguinte:

a) Se o número de metros cadrados do aproveitamento non fose enteiro, redondearase por defecto ata o decimal 0,5 e por exceso a partir do decimal 0,5 para obter a superficie ocupada.

b) Se a ocupación excede a superficie autorizada, procederase á liquidación dos metros cadrados efectivamente ocupados computando os excesos, sen prexuízo do disposto ao efecto na ordenanza municipal que regule a ocupación de dominio público e espazos privados de uso público por terrazas e elementos vinculados a actividade comercial e hostaleira con fins non lucrativos.

3. Nos supostos de extinción ou revogación da licenza, devolverase a parte proporcional incluíndose o mes natural no que se faga efectiva. Non procederá a devolución cando se trate dunha renuncia voluntaria.

No suposto de celebración de procesións, cabalgatas, feiras, mercados, espectáculos, acontecementos deportivos, manifestacións ou eventos similares de interese preferente, así como pola realización de obras, esixencias dos servizos públicos ou outras actividades, sempre que requiran ineludiblemente que quede expedito o espazo ocupado pola terraza, procederase á devolución do importe correspondente ao período efectivo da suspensión da ocupación, cando a mesma sexa por un prazo superior a 15 días naturais

4. Coa solicitude da licenza deberá acreditarse a constitución e ingreso dunha garantía en función dos metros cadrados da ocupación solicitada, polo importe determinado na ordenanza municipal de ocupación de dominio público e espazos privados de uso público por terrazas e elementos vinculados a actividade comercial e hostaleira con fins non festivos.

Será en todo caso unha autoliquidación provisional á conta da liquidación que se practique coa concesión da licenza. Nos supostos de denegación de licenza procederase á devolución ou cancelación da garantía.

Artigo 7.º.-Período impositivo e devengo

O período impositivo coincide co ano natural, excepto cando se trate de supostos de inicio da utilización privativa ou aproveitamento especial do dominio público local, neste caso abarcará dende a data da solicitude da licenza municipal ata o remate do ano natural.

O devengo da taxa prodúcese o primeiro día do período impositivo.

Artigo 8.º.- Liquidación

a) Cando se trate de inicio de servizos de retribución periódica, liquidarase e esixirase a taxa en réxime de autoliquidación, antes de iniciarse a tramitación do expediente de concesión ou autorización do aproveitamento solicitado.

A autoliquidación efectuarase con carácter provisional a conta da liquidación definitiva que se practique coa resolución de concesión da licenza, e esixindo ao suxeito pasivo ou reintegrándolle, no seu caso, a cantidade que corresponda.

As autoliquidacións de alta producirán a incorporación dos suxeitos pasivos ao padrón do período impositivo seguinte, e a taxa esixirase mediante a aprobación do padrón e notificarase colectivamente mediante edictos que así o advirtan; salvo que non resulten prorrogadas as licenzas de conformidade co establecido na ordenanza municipal que regule a ocupación de dominio público e espazos privados de uso público por terrazas e elementos vinculados a actividade comercial e hostaleira con fins non lucrativos.

c) Se se realiza o aproveitamento ou utilización do dominio público municipal sen mediar concesión ou licenza, liquidarase e notificarase a débeda entendendo que o período impositivo abarca a totalidade do ano natural en curso, e esixindo o ingreso nos prazos previstos na Lei xeral tributarai, sen prexuízo de abrir o oportuno expediente sancionador por infracción.

Artigo 9.º.-Ingreso.

O pagamento da taxa regulada nesta ordenanza realizarase:

a) Nas autoliquidacións, nas entidades financeiras ou onde establecece o Concello. En todo caso, o ingreso será anterior ó inicio do expediente de concesión ou autorización do aproveitamento interesado.

b) Nas liquidacións por recibo ou censo, nas datas e entidades financeiras ou oficinas que se sinalen no edito de exposición pública do censo.

Artigo 10.º.-Infraccións e sancións.

En todo o relativo á cualificación de infraccións tributarias, así como das sancións que a estas correspondan estarase ó disposto na Lei xeral tributaria e na normativa de desenvolvemento.

Disposición final

A presente ordenanza fiscal foi aprobada polo Pleno da corporación na sesión que tivo lugar o día, entrará en vigor o día seguinte ao da súa publicación no Boletín Oficial da Provincia continuando vixente en tanto non se acorde a súa modificación ou derogación. Ames, 03 de decembro de 2020

O alcalde

José M. Miñones Conde